



## **YAYASAN KEBAJIKAN NEGARA**

### **SIARAN MEDIA**

#### **TENAGA NASIONAL BERHAD TAJA RM307,700 BAGI PROJEK *BETTER BRIGHTER ANJUNG KASIH YKN***

**PUTRAJAYA, 22 DIS** – Tenaga Nasional Berhad (TNB) pada hari ini telah menambah peruntukan tajaan berjumlah RM307,700.00 kepada Yayasan Kebajikan Negara (YKN). Tajaan tambahan ini adalah untuk memberi kemudahan yang lebih selesa kepada masyarakat yang menggunakan Anjung Kasih YKN.

Sumbangan disampaikan oleh YBhg. Datuk Seri Amir Hamzah bin Azizan, Presiden / Ketua Pegawai Eksekutif, Tenaga Nasional Berhad (TNB) kepada YB Datuk Seri Rina Binti Mohd Harun, Menteri Pembangunan Wanita, Keluarga dan Masyarakat merangkap Penggerusi Lembaga Pemegang Amanah, Yayasan Kebajikan Negara (YKN) di Bangunan KPWKM, Putrajaya.

Menyedari tentang keperluan bagi membantu kumpulan sasar YKN, TNB sebelum ini telah menaja penubuhan *Better Brighter Anjung Kasih YKN Hospital Serdang* dan *Better Brighter Anjung Kasih YKN Hospital Melaka* jumlah keseluruhan tajaan sebanyak RM2.6 juta.

Anjung Kasih YKN adalah salah satu kemudahan penginapan sementara yang disediakan kepada pesakit atau waris pesakit yang sedang mendapatkan rawatan di hospital kerajaan secara percuma. Projek ini dapat memberi manfaat kepada pesakit atau waris pesakit miskin yang memerlukan penginapan sewaktu mendapatkan rawatan atau mengiringi pesakit disebabkan jarak antara rumah dan hospital yang jauh. Sehingga November 2020, sebanyak 12 buah Anjung Kasih YKN yang telah beroperasi dan memberi manfaat kepada 77,640 orang penghuni di seluruh negara.

Sepanjang tempoh pandemik COVID-19, *Better Brighter* Anjung Kasih YKN tajaan TNB turut digunakan oleh *frontliner* hospital yang perlu sentiasa bersiap sedia dalam menjalankan tugas secara *adhoc* di hospital.

Kerjasama strategik antara YKN dan TNB ini amat bertepatan dengan hasrat untuk mengurangkan beban golongan yang memerlukan dalam melaksanakan tanggungjawab sosial korporat untuk membina dunia yang kekal maju supaya tiada yang ketinggalan.

Hadir sama YBhg. Dato' Dr. Junaidah Binti Kamarruddin, Ketua Setiausaha Kementerian Pembangunan Wanita, Keluarga dan Masyarakat, YBhg. Datuk Wira Roslan bin Ab Rahman, Ketua Pegawai Korporat TNB, YBhg. Datuk Omar bin Sidek, Pengurus Besar Hal Ehwal Korporat TNB, YBhg. Datuk Sham Sahmrat Sen Gupta, Ahli Lembaga Pemegang Amanah YKN dan YBrs. Puan Nordina Haron, Yang Menjalankan Tugas Ketua Pegawai Eksekutif YKN serta Pengurusan Tertinggi KPWKM.

YKN sentiasa membuka ruang dan mengalu-alukan mana-mana pihak sama ada syarikat korporat, pertubuhan bukan kerajaan (NGO) atau orang perseorangan untuk bekerjasama dengan YKN melaksanakan projek membantu golongan yang memerlukan.

**Setiap sumbangan wang tunai akan diberikan resit pengecualian cukai di bawah Subseksyen 44 (6) Akta Cukai Pendapat 1967.** Sumbangan boleh disalurkan melalui akaun bank seperti berikut:

<b>Nama Akaun</b>	<b>Yayasan Kebajikan Negara Malaysia</b>	
<b>Bank</b>	<b>Alliance Islamic Bank Berhad</b>	<b>Maybank Islamic Bank Berhad</b>
<b>Nombor Akaun</b>	<b>160140010004801</b>	<b>568621012284</b>

\*\*\*

**Disediakan oleh:**

**Bahagian Dana dan Komunikasi Korporat**

**Yayasan Kebajikan Negara**

Aras 8, No. 55, Persiaran Perdana,

Presint 4, 62100 Putrajaya.

03-8323 2437/2420